

王國維著

王國維先生全集

附錄

(全)

台灣大通書局印行

王國維著

王國維先生全集

附錄

(全)

台灣大通書局印行

中華民國六十五年七月初版

王國維先生全集

續集

(精裝十二冊
寸裝一冊)

售價：新台幣

著者：王

國

維

發行人：孔

昭

明

出版者：大通書局有限公司

地址：台北市萬大路六一〇號
郵政劃撥戶四二七一號
電話：三〇七〇四四八號

印刷者：聯和彩色印刷有限公司

地址：台北市西園路二段二九四巷三四號

版權所有
翻印必究

內政部登記證內版台業字第〇六五六號

王國維先生全集附錄目錄

附錄一：

王忠愍公哀挽錄

沈繼賢序	五三七七
王忠愍公殉節記 金梁	五三七九
王忠愍公事略 樊炳清	五三八一
海寧王忠愍公傳 羅振玉	五三八三
觀堂先生別傳 費行簡	五三八九
祭王忠愍公文 王光圻	五三九六
祭王忠愍公文 羅振玉	五三九七
祭王忠愍公文 陳守謙	五三九九
挽詩 三十七首	五四〇二
挽聯 一百六十六幅	五四二〇

海外追悼錄

文

追悼會小啓 內藤虎次郎	五四五三
祭文 長尾甲	五四五四
記念冊序 長尾尾	五四五五
挽詩 五首	五四五六

華僑哀挽錄

誄文

一、李滿康	五四五九
二、吳功補	五四五九

挽詩

遺墨奉誌二首 吳功補	五四六〇
悼靜安王先生 李滿康	五四六一

挽聯

一、神戶華僑講學會同人等	五四六一
--------------	------

二、吳功補……………五四六一

補遺

挽詩

一、溥儒……………五四六三

二、小川琢治 三、劉永幹……………五四六四

四、余霖……………五四六五

挽詞

大江東去 王興元……………五四六五

挽聯

一、金梁 二、陳曾壽……………五四六六

三、陶葆廉 四、王興元……………五四六六

五、王興元……………五四六七

續補

悼王忠愍公 川田瑞穗……………五四六九

後記……………五四七三

校字記……………五四七五

附錄二：

國學論叢王靜安先生紀念號

序 梁啟超

挽王靜安先生聯 梁啟超……………五四七六

王靜安先生著述目錄 趙萬里……………五四七七

王靜安先生手校手批目錄 趙萬里……………五四八七

王觀堂先生學述 吳其昌……………五五二三

王觀堂先生挽詞並序 陳寅恪……………五五四一

附錄三：

學衡王國維先生逝世週年紀念專輯

一、王靜安先生與晚清思想界……………五五四六

二、王靜安先生之文學批評……………五五四四

三、王靜安先生之考證學……………五五六一

四、論王靜安先生之自沈……………五五七一

落花詩八首 吳宓……………五五七四

落花感王靜安先生師練日作 劉盼遂 五五七六

附錄四：

王靜安先生墓前悼辭 梁啓超 五五七七

悼王靜安先生 顧頡剛 五五八一

弔王靜安先生賦 邵瑞彭 五五九〇

悼王靜安先生 黃復仕 五五九一

王靜安先生挽詞 陳寅恪 五五九二

記王靜安先生自沈事始末 柏生 五五九三

關於王靜安先生逝世的史料 陳乃乾 五五九八

我所知道的王靜安先生 殷南 五六一一

王靜安先生紀念碑 陳寅恪 五六一四

王靜安先生著述表 錢篋峰 五六一五

王靜安先生整理國學之成績述要 孫愐 五六六七

王靜安先生與古文字學 徐中舒 五六八三

追悼一個文字學家的革命者——王靜安先生 周予同 五六九九

王國維先生整理中國戲曲的成績——及其文藝批評 賀昌群 五七〇九

王國維先生考古學上之貢獻 容庚 五七二四

王靜安先生與叔本華 繆鈺 五七四一

天下有正義而後有是非是非者根於正義公論之不容泯者也晚近士夫平日高談忠義其文章表襮則杜陵之許身稷契也屈子之芳菲戀君也乃一旦臨大節則委蛇俯仰巧說以自解于己所不能而他人能之雖內忤於中而必竭力以肆其擠排見有向義者必爲之說曰夫夫也殆有他故非徇義也甚則爲匪語誣讒之士夫之行如此烏在其爲士夫也予與忠愍同鄉貫初不相知甲子都門之變始相見於京師久乃知其平生於羅叔言參事參事之言曰公少負才氣有不可一世之概三十以後閱世日深乃益斂才就範其爲學也專壹而不旁鶩其聞善也不護前以自恕其涉世也未嘗專己嫉能其守義也不以言語表襮而操養至切於時海內多尊公之學惟參事獨詳述其行參事交公久其言宜可信乃納交焉及今年五月公果以舍生徇義聞天下參事疇昔之言於是乎爲有徵矣公既完大節海內外人士羣相悼惜競爲文字以誌哀雖間有口褒揚而中不爾者然亦不得廢公論而著其私也昔太史公有言要之死日然後是非乃定忠愍死矣是非定矣彼口忠義而怨己

所不能而嫉人之能或且肆毀者不知其異日蓋棺時視忠愍
何如也丁卯八月朔鄉愚弟沈繼賢書

王忠愍公哀挽錄

文

王忠愍公殉節記

蒲洲金梁忠侯

公殉節前三日余訪之校舍公平居靜默是日憂憤異常時既以世變日亟事不可爲又念津園可慮切陳左右請遷移竟不爲代達憤激幾泣下余轉慰之談次忽及頤和園謂今日乾淨土唯此一灣水耳蓋死志已決于三日前矣殉節爲五月初三日公晨起赴校復雇車到頤和園步至排雲殿西魚藻軒前臨流獨立盡紙烟一枚園丁曾見之忽聞有落水聲爭往援起不過一二分鐘早氣絕矣時正巳正也軒前水深纔及腹公跳下後俯首就水始絕故頭足均沒水中而背衣猶未盡濡濕也初衆不知爲公及日午見園門一車獨留謂待乘客未出問其狀相符而家中人待公終日未歸問校中亦不知何往唯車夫有見雇車至園者其公子急往園則園警適來訪報奔入省視果公已日暮矣當尋訪時其前隣後窓卽對公之書室隣友實見

公伏案作書入則無人及聞公已死始陳然公之神靈不昧也
次日入殮校生集哭群奉尸出園爲易衣冠始于裏衣中得遺
囑函紙均透濕惟字跡完好卽影傳于世之遺墨也遺囑未注
初二日實殉節前一日聞其夕熟眠如故近日言動亦無他異
浩然不動視死如歸何其從容耶

公遺囑葬清華塋地今暫借剛秉寺重五日余往哭之撫棺一
慟後死徒悲至園憑弔風雨適來如助我哀者異日擬于魚藻
軒勒石曰王忠愍公殉節處以爲紀念公之自沈于魚藻軒也
亦似有所示意詩曰魚在在藻有頒其首王在在鎬豈樂飲酒
憂王居之不安也逸詩曰魚在在藻厥志在餌鮮民之生矣不
如死之久矣憂世變之日亟也與三日前面談憂憤之意正合
賦騷見志懷沙自傷其覩然偷生厥志在餌者觀之能無媿死
耶

公懷必死之志見于遺囑明明白白不待言矣余與公訂交近
三十年又晤公于殉節前三日生死之交知之最深公癸亥夏
奉召入都寓余處數月終日不出戶相對無一言而意氣相

感歷久彌親公于時事不輕置可否于人不輕加毀譽而衆感其誠見者無不歎敬至于學問文章更無間中外新舊翕然同稱然皆不料遽至于此也嗚呼丁卯五月泣記

王忠愍公事略

山陰 樊炳清 少泉

公諱國維字靜安號觀堂浙之海甯人父諱迺譽能書畫嘗游幕溧陽值洪楊之亂乃棄幕就賈君生而穎異家貧攻苦讀書究經史大義不專事帖括弱冠游庠尋肄業杭州之敷文書院兩應鄉舉不售光緒戊戌（廿四年）錢塘汪穰卿舍人廣年創時務報於上海邀上虞許默齋孝廉司書記君爲之代僅得薄資以養親時上虞羅叔言參事蘇玉設東文學社於上海延日本藤田博士豐八爲教授公來受學參事見其詠史詩大異之許爲大器力拔之于庸衆之中厥後所至公靡不從庚子既卒業明年秋留學日本物理學校年餘病脚氣歸國乃從藤田博士習英文始讀西人哲學文學書參事於戊戌在滬上創設農學報既而又刊教育雜誌君嘗助之編譯並爲社論者數年至廿七年辛丑春參事爲湖北農務學堂監督君偕往任譯述講義及農

書廿八年壬寅參事至粵適通州師範學校聘君爲教授遂未
偕往在通州授課之暇兼爲詩詞廿九年癸巳參事任蘇州師
範學校監督君去通州赴姑蘇復爲教授教心理倫理諸學是
時益研究哲學日必讀康德書二小時乃有靜安文集之作丙
午復刊人間詞及詩集在吳三年參事辭監督君回里半載卅
二年丙午學部奏調參事因薦公在學部總務司行走歷充圖
書館編譯名詞館協修迄宣統辛亥此數年專攻詞曲有清真
先生遺事詞錄曲錄戲曲考原古劇脚色考宋元戲曲史諸書
是年冬參事辭職避地日本君亦挈眷從之初參事勸君治國
學君乃從受小學訓詁顧頻年治他學未遑專攻居東後乃屏
除一切專意治經參事富藏書而以經學小學金石考據之書
爲尤夥爰檢其切要者悉以贈君君由是盡棄以前所治歐西
之學先讀三禮次及諸經以至金石考古之學與參事互相考
核蓋君之畢生惟此時爲學最力進德亦最猛著述多且精駁
駁乎與參事並駕矣壬癸二年間作詩有壬癸集居東五年先
參事三年返國西人哈同氏延之編撰學術叢刊君考古撰著

多載其中嗣又爲倉聖明智學校教授此數年間兼爲南潯蔣氏編藏書目錄蔣氏爲刻觀堂集林參事回國寓津門公則居滬公與參事自戊戌以來揆隔最久者爲此數年至癸亥夏以升吉甫制軍薦派爲南書房行走尋參事亦入南齋蹤跡乃復合甲子後君奉命就清華學校講授之聘乃有蒙古史料之作丁卯五月公憂心君國於學校試畢初二日草封奏書遺囑深宵閱試卷旣訖三日晨乃赴京西頤和園投昆明湖死公質樸少華不事交游故初不露頭角參事力爲振拔名乃大著遠播歐美且資之以成其學故論者敬君之品學尤重參事之能知人而有以裁成之也炳清往歲與公同學相交垂三十年知公深謹爲傳略以告當世

海甯王忠愍公傳

上虞羅振玉

公諱國維字靜安亦字伯隅號觀堂亦曰永觀浙江海甯州人先世籍開封當北宋時其遠祖曰珪曰光祖曰稟三世均以武功顯而兩世死國難宋史有傳至高宗時子孫扈蹕南渡遂家海甯其後嗣隆替具於家牒此不備書曾祖人祖人並潛德不

耀考迺譽值洪楊之亂棄儒而賈公生而歧疑讀書通敏異常
 兒年未冠文名噪於鄉里尋入州學以不喜帖括之學故再應
 鄉舉不中程乃益肆力於詩古文於時值中日戰役後和議告
 成國威稍替海內士夫爭抵掌言天下事謀變法自強光緒丙
 申錢唐汪穰卿舍人康年設時務報於上海以文章鼓吹天下
 人心爲之振動異日亂階遂兆於此然在首事者初未知禍之
 烈且至是也公時方冠思有以自試且爲菽水謀乃襁被至滬
 江顧無所遇適同學某孝廉爲舍人司書記以事返鄉里遣公
 爲之代明年予與吳縣蔣伯斧學部蘇結學農社於上海移譯
 東西各國農學書報以乏譯才明年戊戌夏遂立東文學社造
 就之聘日本藤田博士豐八爲教授公來受學時予尙未知公偶
 於其同舍生扇頭讀公詠史絕句乃知爲偉器遂拔之儔類之
 中爲瞻其家俾力學無內顧憂歲庚子既畢業予適主武昌農
 學校延公任譯授是年秋資公東渡留學日本物理學校期年
 以脚氣歸主予家病愈乃薦公於南通師範學校主講哲學心
 理論理諸學甲辰秋予主江蘇師範學校公乃移講席於蘇州

凡三年丙午春予奉學部奏調明年薦公學行於蒙古榮文恪公慶命在學部總務司行走歷充圖書館編譯名詞館協脩及辛亥冬國變作予挂冠神武避地東渡公攜家相從寓日本京都是時予交公十四年矣初公治古文辭自以所學根抵未深讀江子屏國朝漢學師承記欲於此求修學塗徑予謂江氏說多偏駁國朝學術實導源於顧亭林處士厥後作者輩出而造詣最精者爲戴氏震程氏易錢氏大汪氏中段氏玉及高郵二王因以諸家書贈之公雖加流覽然方治東西洋學術未遑專力於此課餘從藤田博士治歐文並研究西洋哲學文學美術尤喜韓圖叔本華尼采諸家之說發揮其旨趣爲靜安文集在吳刻所爲詩詞在都門攻治戲曲著書甚多並爲藝林所推重至是予乃勸公專研國學而先於小學訓詁植其基並與論學術得失謂尼山之學在信古今人則信今而疑古國朝學者疑古文尙書疑尙書孔注疑家語所疑固未嘗不當及大名崔氏著考信錄則多疑所不必疑矣至於晚近變本加厲至謂諸經皆出僞造至歐西哲學其立論多似周秦諸子若尼采諸家學

說賤仁義薄謙遜非節制欲覩新文化以代舊文化則流弊滋多方今世論益歧三千年之教澤不絕如綫非矯枉不能反經士生今日萬事無可爲欲拯此橫流舍反經信古末由也公年方壯予亦未至衰暮守先待後期與子共勉之公聞而悚然自懟以前所學未醇乃取行篋靜安文集百餘冊悉摧燒之欲北面稱弟子予以東原之於茂堂者謝之其遷善徙義之勇如此公既居海東乃盡棄所學而寢饋于往歲予所贈諸家之書予復盡出大雲書庫藏書五十萬卷古器物銘識拓本數千通古彝器及他古器物千餘品恣公搜討復與海內外學者移書論學國內則沈乙庵尙書柯蓼園學士歐洲則沙畹及伯希和博士海東則內藤湖南狩野子溫藤田劍峯諸博士及東西兩京大學諸教授每著一書必就予商體例衡得失如是者數年所造乃益深且醇公先予三年返國予割藏書十之一贈之送之神戶執公手曰以君進德之勇異日以亭林相期矣公既返國爲歐人某主持學報並徧觀烏程蔣氏藏書爲編書目並取平生造述擷其精粹爲觀堂集林二十卷三十五以前所作棄之

如土苴卽所爲詩詞亦刪薙不存一字蓋公居東後爲學之旨與前此夔殊矣壬戌冬蒙古升素庵相國奏請選海內耆碩供奉南書房以益聖學並以公薦得旨俞允明年夏公入都就職奉旨賞食五品俸賜紫禁城騎馬命檢昭陽殿書籍公以韋布驟爲近臣感恩遇再上封事得旨褒許甲子秋予繼入南齋奉命與公檢定內府所藏古彝器乃十月值宮門之變公援主辱臣死之義欲自沈神武門御河者再皆不果及車駕幸日使館明年春幸天津公奉命就清華學校研究院掌教之聘以國學授諸生然公瞻戀行朝今年夏世變益急公憂益切乃卒以五月三日自沈頤和園之昆明湖以死家人於衣帶中得遺墨自明死志曰五十之年祇欠一死經此世變義無再辱並屬予代呈封章初六日疏入天子覽奏隕涕詔曰南書房行走五品銜王國維學問博通躬行廉謹由諸生經朕特加拔擢供職南齋因值播遷留京講學尙不時來津召對依戀出於至誠遽覽遺章竟沉淵而逝孤忠耿耿深惻朕懷著加恩予諡忠愍派貝子溥忻卽日前往